



Møre og Romsdal
fylkeskommune
Volda vidaregåande skule

KORT ORIENTERING OM SKULEN

SKULEBYGG

Skulen ligg i skuleområdet på Engeset. Undervisninga går føre seg i fem bygningar: øvre bygget, nedre bygget, Voldahallen, symjehallen og den tidlegare vaktmeisterbustaden. Øvre bygget har nyoppussa klasserom, realfagsavdeling, heis, inngangsparti, kantinekjøkken, rådgjevarkontor, vrimeleareal og arbeidsplassar for lærarane og leiinga. Det er framleis byggeaktivitet på skulen, denne hausten er det underetasjen i øvre bygg som blir renovert. Vi ber difor elevane våre om å vise omsyn og å vere merksame på at ikkje alle område på skulen vil vere tilgjengelege til alle tider. Renoveringa er venta å vere ferdig i løpet av hausten 2010.

KLASSETAL

Skulen skal skuleåret 2010/2011 ha 10 klassar i utdanningsprogram for Studiespesialisering, 3 klassar i Musikk, 3 klassar Medium og kommunikasjon, 2 klassar Påbygging til generell studiekompetanse, 2 klassar Service og samferdsel og 1 Tilrettelagt klasse. Dette blir til saman rundt 500 elevar.

SKULEDAGEN

Skuledagen er frå kl. 08:10 til kl. 15:00. Musikklinja har noko instrumentopplæring på ettermiddagstid. Timeplanen er lagt over fem dagar med 8 timar à 40/45 min, men i gjennomsnitt har dei fleste elevane 6 timar kvar dag. Det kan såleis bli studietimar innimellom. Timeplanen er for det meste lagt med dobbelttimar. Måndag og torsdag har dei fleste elevane studietime mellom 11:40 og 12:25. Elevane har minst eitt møte pr. veke med kontaktlæraren sin.

KONTAKTLÆRAR

Alle elevane får tildelt ein kontaktlærar. Det er denne læraren eleven skal halde nærast kontakt med, spesielt når det gjeld sjukdom/fråvær og anna informasjon. Kontaktlæraren skal ha faste møte og elevsamtaler med alle elevane i basisgruppa si.

RÅDGJEVING

Skulen har 2 rådgjevarar med faste møtetider. Sjå oppslag ved skulestart. Det er også mogleg å oppsøkje helsesøster og PPT-kontakt, dei er tilgjengeleg på skulen fleire dagar pr. veke. Når det gjeld fagval, er også leiinga tilgjengeleg.

STATENS LÅNEKASSE

Elevar kan søkje lån og stipend i Statens lånekasse. Alle elevar har rett på utstyrsstipend. For å søkje må du ha anten ha takka ja til skuleplassen på www.vigo.no og kan bruke vigo-sidene til å logge deg inn, eller du kan søkje direkte på www.lanekassen.no, bruk MinID-kodane du har fått tilsendt frå Skatteetaten. Sjå også www.lanekassen.no for meir detaljinformasjon. Rådgjevarane orienterer også meir like etter skulestart.

KONTORET

Skulekontoret er ope mellom 08:00 og 15:00, og er plassert i administrasjonsfløya på øvre bygget. Skuleleiinga har også kontora sine i denne fløya.

BIBLIOTEK

Skulen har eit godt bibliotek, med både aviser, tidsskrift, skjønnlitteratur og faglitteratur. Alle elevane får sitt private lånekort som etter kvart kan brukast på alle bibliotek i heile landet. Det er på biblioteket du får låne skulebøkene du skal ha til skuleåret.

KANTINE

Skulekantina er svært godt besøkt og har eit godt tilbod av brødmatt, varmrettar, frukt, salat, drikke m.m. Kantina ligg i vestibyen ved hovudinngangen på øvre bygg.

REINHOLD/VAKTMEISTERTENESTE

Skulen blir vedlikehalden av 5 reinhaldarar og 2 vaktmeistarar. Dei arbeider på dagtid, og er ein viktig del av miljøet på skulen. Vi forventar at elevane og alle tilsette gjer sitt beste for å skape eit godt fysisk miljø med god orden og reinsemd.

REGLEMENT

Dei vidaregåande skulane i fylket får frå 1. august-10 nytt felles reglement, der elevane sine rettar og plikter og nødvendige reglar for orden i skulesamfunnet er nedskrivne. Dette blir utlevert ved skulestart, og skal ligge på heimesidene til skulen.

RØYKING/SNUS/RUS

Skulen og skuleområdet skal vere røyk-, snus- og rusfritt.

LÆREBØKER/LÆREMIDDEL (PC)

I den vidaregåande skulen er det er innført ulike stipendordningar, også til innkjøp av PC. Vi føreset at alle elevane våre brukar PC som læremiddel. Alle elevar får låne lærebøker på biblioteket på skulen. Sjå heimesidene våre, oppdatert informasjon blir lagt ut der.

IT-AVDELING

Skulen har systemansvarleg i heil stilling, og ein lærling i faget. Frå hausten 2010 får dei nye kontor på øvre bygget. Alle elevane på skulen kan vende seg til dei for rettleiing vedr. datautstyr og programvarer.

SAMARBEID/LÆRING

Arbeidet i skulen er basert på eit nært samarbeid, tillit og respekt mellom alle aktørar i skulen. Eleven spelar hovudrolla og har hovudansvaret for si eiga læring og utvikling, - med tilsette som undervisarar, rettleiarar og hjelparar.

100-ÅRS JUBILEUM

Volda vgs vil hausten 2010 markere at det er 100 år sidan stiftinga av skulen.

Vel møtt til eit nytt skuleår.

Med helsing

Margaret Alme
rektor